

(13) يا طير يا اللي مسافر

يا طير يا اللي مسافر للبلد البعيد
أمانة ترمي السلام للي قلبه حديد

أمانة تدور عليه	أماناته لتلاقيه
لف لف عليه الدور	وشقق له البحور
دا هو عندي أغلي	م الذهب والدور
دا هو عندي أحلي	من بنات الحور

يا طير يا اللي مسافر للبلد البعيد
أمانة ترمي السلام للي قلبه حديد

قول له لو حتي هاتي	أنا ها افضل مستني
يمكن قلبه يلين	يمكن يوم أغني

يا طير يا اللي مسافر للبلد البعيد
أمانة ترمي السلام للي قلبه حديد

ندرا عليه يا زمن لو رجع الي غاب

لاحفر إسمه وصورته جـوـه قلبي اللي داب
وازرع له كام عنباية تمشي وتطرح عا الغاب
وازرع كام عود ريحان وازرع كام عود فل
واقدمهم هدية لحبيبتني ست الكل

يا طير يا اللي مسافر للبلد البعيد

أمانة ترمي السلام للي قلبه حديد

ندرا عليه لو رجع لاخطه جـوـه عيوني
اهفف عليه بالرموش واغطيه بجفوني
أمانة يا لايمين أوعوا تلوموني دا لو حبيبي عاد وبطل عناد
أيامي تبقي حـوـة وكلها أعياد

يا طير يا اللي مسافر للبلد البعيد

أمانة ترمي السلام للي قلبه حديد
